

桂苑筆耕集

三

香
乎
知
香

PDG

桂花筆耕集卷之十五

齋詞一十五首

應天節齋詞三首 上元黃籙齋詞

中元齋詞

下元齋詞二首

上元齋詞

中元齋詞

黃籙齋詞

懷火齋詞

天王院齋詞

故昭義僕射齋詞二首

應天節齋詞三首

道士某乙言伏以聖人降生王者嘉應包天地之大
德啓日月之殊祥是以電繞虹流克符龍質握乾披
震允叶龜書伏惟聖神聰睿仁哲明孝皇帝紫府真

宗丹陵寶命孝理而勤修一德化成而胥悅萬方偶
以犬吠堯威熊驚漢御猶軫泣辜之念暫勞展義之
行今者風振南薰方在長贏之節星瞻北極乃當誕
慶之辰莫不山靈供萬歲之歡聲河伯獻千年之瑞
色仰資聖壽敢設仙齋廣成子之微言既傳衆妙華
封人之善祝實繫羣誠伏願德乃日新禍當天悔暫
興時雨遍洗妖氛高整鸞旗早迴鳳輦然後搜濟汾
之詠撰封岱之儀傳芳於玉葉金枝積慶於天長地
久使蠻戎率服蠢植咸蘇仰沐華胥之風齊登仁壽
之域普天率土永賀昇平

又

道士某乙言伏以父天母地帝道所以爲尊貫月繞
星靈符於是乎在况觀一人有慶固知萬壽無疆伏
惟皇帝陛下龍握丕圖鳳資聖紀播休聲於里社標
盛禮於高標今者風調舜琴日緩羲轡曆草舒芳於
八葉丹陵降瑞於千齡謹設仙齋仰陳善祝伏願塵
銷九野波息四溟早迴西幸之儀便舉東封之禮一
千年之休運高建武功三十世之昌期倍延福祚允
諧大定永賀中興

又

伏以瀨鄉白鹿既掛仙蹤函谷紫雲果實王氣積慶
於天長地久傳華於聖子神孫耀玉京而我李長春
演金籙而莊椿永茂伏惟皇帝陛下三無稟德萬有
覃恩叶感星夢日之祥掩四乳八眉之瑞上天降聖
爰乘解慍之風列士修齋况值晏陰之月伏願峒山
順軌汾水迴鑿迎萬歲之岩音歸九重之天闕享七
百年之休運寰宇中興守五千字之格言兵戈大定
仰祈玄鑿永護皇居

上元黃籙齋詞

年月朔啓請如科儀伏以有德不德無名可名自施

倏忽之功莫究希微之旨是以紫府乃修心可到玄
關非用力能開臣志慕真風躬行正道但以漢良前
筋猶勞戰伐之謀越蠡扁舟未遂優閑之望既榮人
爵須報主恩誓殲無賴之徒久練不祥之咒動拘俗
後慮犯玄科今則節已及於上元灾未銷於下界謹
修常醮仰貢微誠所願梟覆頑巢鳳迴仙駕帝座與
三台永耀玉畿興九牧皆安雷驚而蟄戶全開風掃
而妖氛靜息俾臣靈根日茂至業天成帟符提闔外
之權終安澤國虹節指壺中之境得認家山臣無任
虔肅禱祠懇悃之至謹辭

中元齋詞

年月朔啓請如科儀伏以道本強名固絕琢磨之理
身為大患深驚寵辱之機能審自然而然必知無可
不可是以雕詞贊美則乖妙旨於混成矯志求真則
爽竒功於積學真標玉籍在守金科臣才謝丰千雖
慙賢路心擬正一早扣玄關齋誠於八節三元鍊志
於龍緘鳳蘊但屬鯨翻逆浪蛟噴毒沙數年與蠹螫
之灾萬姓抱瘡疾之苦三尺劍高提在手須救危時
六銖衣輕掛於身未諧夙願今謹因中元素節大慶
良辰依寶壇而醮設常儀企仙闕而拜申精懇伏願

真風蕩滌玄澤湧流吾君享萬歲於巖音賢相耀六
符於渭訣調舜絃之美化永復昌期溷湯網之兇徒
咸歸顯戮然後戴髮含齒鱗潛羽翔不知日用之功
各遂天成之樂俾臣代敷善繼真位高遷留形於烟
閣雲臺繼賞於芝田蕙圃鑄金追想終榮聖主之恩
叱石閑遊得效仙人之術儻非過望敢不精修臣某
無任杳思謝過虔禱懇悃之至謹辭

下元齋詞

年月日啓請如科儀伏以教資妙用無爲而無不爲
道在勤行不厭是以不厭苟得捧持三寶必能極護

萬靈須憑善建之根株始覩混成之間闕故曰大丈夫處其厚而不處其薄居其實而不居其華者也臣雖塵役拘身而雲裝挂志大成是望上達為期每依郭璞詩中精調玉石願向葛洪傳上得寄一名所以仰欽象帝之先豈在他人之後聽爛柯翁之說則倍惜光陰覽抱朴子之言則不虧忠信但以卑棲俗累深握兵符政刑之得失難調賞罰之重輕易忒暗堆慙咎莫補精修况叨真位之榮恐負玄科之責是以三元八節顯醮遙祠唯期致力於九層未曾妨功於一簣今則天吏扣應鍾之候水官攬玄轡之時月數

就盈日辰在望仰投靈地敬設寶壇備儀於琳几瓊
盤注想於金臺銀闕冀感通於良夕能濟援於危時
伏乞太上三尊十方衆聖曲垂玄鑒俾遂丹誠早回
翠輦於長安復振皇風於正始肅陶鈞者永諧德化
伏節鉞者共戢兵戎波濤靜寢於四溟氛霧豁開於
九野樹下有推功之將草間無求活之徒至於翔翼
躍鱗跂行喙息偕登仁壽之域不躡昏迷之途使臣
深結道緣遙申齋願望三清於通路資一概於良田
此時枕越石之戈暫妨高卧他日把浮丘之袂豈訝
後來臣某無任瀝懇投辭虔禱惶切之至謹辭

又

年月日啓請如科儀臣伏以測管窺天雖垂曠瑛揮
戈駐日蓋感精誠苟為山之力不虧則至海之期何
遠仰玄門之善聞遵妙道以勤行但以爲子爲臣曰
忠曰孝既增榮於國祿願無忝於家勲手握玉符且
救寰中之難志棲金錄唯思象外之遊每慮政失務
三法虧畫一雖慎撫綏於南究尚多愆咎於北艷况
當前寇爲期弭兵未暇今則月就盈數日臨下元遙
倣真儀敬陳齋法儼星壇而稽首想風馭以馳魂伏
乞太上三尊十方衆聖玄慈見陰良願克諧翠華早

耀於秦雲皇祚永興於漢日百官多慶八裔同歡寇
戎則銷燧象之災幽滯則假燭龍之照然後使臣世
官貞吉道業滋成遺榮待泛於五湖企想潛通於三
島作人間之都尉削訓無心拜天上之侍郎沈羲有
望唯願在家必達終能直道而行臣無任祈恩懺罪
虔切惶恐之至謹辭

上元齋詞

年月日啓請如科儀臣仰察玄經乃見道資衆甫俯
稽聖典則知神應至誠是以早詳病病之言每勵賢
賢之行五音五色實除耳目之娛六甲六丁潛致爪牙

之役願躡輕飛之路常敲衆妙之門但屬戎馬生郊
陳蛇奔穴無苟免而臨難不得已而用兵蓋報主恩
慮虧臣節只誓顯誅寇孽寧知暗積愆殃雖軍律克
申而真科是懼今以日延和景月滿初元遇吸新吐
故之辰懺喙腐吞腥之罪儼陳醮禮敬薦齋誠燈耀
九光燼焚百和寂寥塵外幡幢靜設於星壇髣髴雲
中環珮似傳乎風馭異銷妖祲仰告威靈伏乞大降
玄慈下從丹懇萬乘永資於萬壽百官皆荷於百祥
戰場則荆棘叢生農壤則麥禾花茂凡云蠢勲盡獲
昭蘓然後俾臣援溺功成奉身以退冲靈道逐鼓腹

而遊飽瓊菓之糗糧就瑤臺之蹊徑遇圯上者終諧
素志自有前蹤入壺中者蓋感專心寧無後望既殊
捕影敢憚勞形臣無任悔過祈恩虔切惶恐之至謹
辭

中元齋詞

啓請如科儀域中之四大難名字之日道物外之三
清在想心以為齋豈圖滋福於一身唯願洽恩於萬
彙臣生逢聖日志慕真風寧貪久視之門有覬輕飛
之路但以行先不殆德貴有餘每虔一氣以存思非
止三元而展敬今則雲摧火影風戛金聲當中元積

慶之辰謹修常醮以下界罹災之事仰告玄慈一昨
夏景既闌秋成甚邇而乃曠野則飛羊斂翅深泉則
黑蛟戢鱗嗷嗷之黔庶何依烈烈之蒼穹莫訴雖近
沾美澤而尚慊農郊伏乞太上三尊十方衆聖下從
精懇大庇生靈使風雨常調煙塵永息興聖祚於千
秋萬歲振歡聲於四海九州然後俾臣功名則與國
同休道業則在家必達水中泛泛謝時態之澆浮雲
外飄飄逐仙蹤而騫翥既探珠而有望寧種玉以無
因臣不任祈恩救災懇禱虔惕之至謹辭

齋詞

啓請如科儀伏以混成至道本在勤行衆妙玄門唯
資善閑故曰修之身則其德乃貴修之國則其德有
餘既能事小功多可謂暫勞永逸臣雖手提金鉞而
心寄瑤臺飄飄然自有良期擾擾者誰知積學是以
三元致敬一氣存思佇天上之雞聲潛懸素望待海
中之鶴信每瀝丹誠終冀用之則行豈言深不可識
今者謹賫薄禮仰贖玄慈所願轉茂靈根漸拋俗界
餌崦嵫之奇草飲沆瀣之仙漿漢代淮王終遂仙遊
之樂周時柱史何妨更隱之名苟保天成奚言日損
景仰於其中有象願知於此外無求臣無任投辭懇

迫虔禱兢越之至謹辭

黃錄齋詞

啓請如科儀臣身拘俗網志仰真筌雖窈窕冥冥至
道則無形可扣而勤勤懇懇精心則有感必通是以
每勵焚修敢安晷刻所冀學海而終歸巨海好龍而
不懼真龍豈貪輕舉之名但效勤行之旨然以早分
相印久握兵符當扶危靜亂之秋有戮暴誅奸之後
伏慮政條失所刑律乖宜僣違暗積於玄司殃咎難
逃於黑籍今則景銷木德即啓火威稽首昊天叩心
靈地跼躄而謹陳薄奠禱祠而仰獻微誠伏乞太上

三尊十方衆聖俯矜丹慙深降洪慈使電滅千灾雲
興百福永資玄蔭漸茂靈根掃閭外之烟塵早成勲
業玩壺中之日月免役夢思臣無任悔過祈恩懇迫
惶恐之至謹辭

禳火齋詞

年月日啓請如科儀於紫極宮內修建洞淵妙齋三
日四夜轉經行道為禳當府火灾祈恩投肆上詣虛
無元始天尊伏以波蕩四溟塵昏九野遂見綿區匝
宇未能滅稔消氛臣雖志悅道風而身沾膺澤早託
山河之誓久臨淮海之封每慎撫綏不遑寧息粗安

一境已涉五年齋誠仰貢於上玄妖氣願銷於下界
豈料天心悔禍必俟時期地分罹殃難逃曆數方當
暮月始起融風遽興鄰國之災難施瓊掌將救成都
之恙誰嘆酒杯所炊既多俱焚是慮衆力猶動於撒
屋羣心免駭於燎原今則每念傷人唯知罪己仰投
靈宇敬醮寶壇拔攘夏異於四郊寧拘古禮祈禱遠
瞻於三島但獻精誠伏乞太上三尊十方衆聖曲流
玄澤火挫陽精使回祿知非祝融請罪閭閻撲地皆
除火宅之灾道路生風永作水鄉之福烝黎樂業師
旅懷安構陰謀者自就消止歸善化者各資榮泰齊

登壽域仰望仙鄉臣無任歸罪乞恩虔禱懇迫惶恐
之至謹辭

天王院齋詞

唐中和二年大歲壬寅正月望日具銜某敬請僧某
乙設齋于法雲寺天王院謹白言舍利佛大慈大悲
觀音菩薩伏以欲界將傾魔軍競起九野塵昏於劫
燼四溟波蕩於狂飈諸侯志慕於宋公星無三徙聖
主德齊於漢帝日未再中不知天養鳩集地容螟蠚
力闢之羣兇得便義征之衆旅摧威某也手握兵符
心抱將略欲展焚枯之力願成拯溺之功是以景仰

三歸勤行十善深憑護念敢啓邀迎宇內瘡痍略假
醫王之術世間疲瘵遍希慈父之恩今則幸遇初元
精修美供春露洒琉璃之境曉風吹簷蔔之香想其
舍衛城中長老盡携弟子水精宮裡天王便作主人
伏願舍利佛大悲觀世音菩薩教既東流跡能
西降遠救閻浮之地暨離堯率之天問疾語言不競
維摩之說稱名功德可逃羅刹之灾唯願共泛慈航
齊揮智劍寢驚濤於苦海掃妖氣於昏衢則乃慧燈
照天帝之心法鼓破波臣之膽靜銷諸惡暫開方便
之門廣庇衆生無惜慈悲之室謹疏

為故昭義僕射齋詞二首

中和二年七月二十三日為故昭義姪孫僕射及二
孫子敬設齋于法雲寺聊憑法疏用寫悲詞以昭義
姪孫幼蘊壯圖長居重任不掃一室有志四方手運
豹韜既是吾家之事身持龍節累沾聖代之恩至於
越海征蠻對河分陝立戰功於遐徼傳理化於近藩
慎守詔條能諧物議遂移上黨實委外權尋屬戎馬
生郊陣虵出穴遽聆寇孽直犯京華頻興伐叛之師
稍恧訓戎之令上將則雖期徇難欲竭忠誠小人則
多是幸灾潛興狡計叛徒忽至橫禍斯侵弘演納肝


其誰能繼艷舒傷目所不忍言噫道則日彰志惟天
奪征旌永卷飛旄負來言念彫零莫勝悲慟但以推
尋佛理抑割俗情既知前世因緣粗解此時冤痛况
乃父立忠節子揚孝名古賢所稱今我何恨俾資冥
福敬設妙齋所願慧炬照迷慈航援溺早推誠於貫
日終致樂於生天子子孫孫永絕悲離之本生生世
世常逢安泰之期謹疏

又

中和二年七月二十七日某官某乙奉太尉處分爲
故昭義僕射於法雲寺設三百僧齋并寫金光明經

五部法華經一部永充供養蓋聆佛修慧力普濟羣
迷人發信心終成善願苟得影從至教必能響答虔
誠伏以昭義僕射夙振雄圖繼分重寄將軍投袂練
兵而方切專征天子剪衣飛詔而唯憑妙略行建毅
中之勲業忽罹意外之灾殃不吊昊天奪我良胤今
則敬投蓮宇虔設衆門仍 且葉之真蹤仰奉法華
之妙義伏願乘茲功德解彼冤讎灾星昔照於預州
已推定分慧日今懸於覺路永絕良緣謹疏

桂苑筆耕集卷之十五



桂苑筆耕集卷之十六

祭文書疏記十首

都統巡官侍御史內供奉崔致遠撰

祭文四首

祭五方文

築羊馬城祭土地文

祭楚州陣亡將士文

寒食祭陣亡將士文

書二首

移浙西陳司徒廟書

手札一首

記二首

西州羅城圖記

補安南錄異圖記

疏一首

求化修大雲寺疏

求化修諸道觀疏

祭五方文

年月日具銜某謹以清酌庶羞量幣之奠敢昭告于
五方神之靈傳不云乎五行之官是謂五官封為上
公祀為貴神社稷五祀是尊是奉木正曰勾芒火正
曰祝融金正曰蓐收水正曰玄冥土正曰后土是以
禮云共公氏之霸九州也其子曰后土能平九州故
祀以為社然則神主順天靈功莫測諸侯列土祀典
宜行惟夫人寔統陰祗廣含坤德身為萬物之母首
冠五方之君職奉軒皇功標社殷湯罷改遷之議

漢武陳祠祭之誠是知神鑑則無偏無頗物情則以享
以祀昔平九土既能疏決江河今處五方豈不庇安
淮海靈其調和於金木水火驅殺於風雨雪霜使春
夏秋冬永息災殃之氣東西南北靜除氛祲之源牢
幣具陳庶羞甚潔致敬不虧於中雷施恩幸滿於大
藩唯候豐穰異神報塞尚饗

築羊馬城祭土地文

年月日具銜某以兵戎未息禦備是勤乃命修築羊
馬城遂遣某官某乙告于土地之神曰夫城郭之設
邑居所憑陋之則狡者或羨之則寡能固守况今

射聲競發虺毒遍吹易動難安何處能為樂境暫勞
永泰此時須建良功遂乃揣高卑議遠近便令百堵
皆作終可三旬而成徵名於伏櫪觸搃接勢於長雲
斷岸不假龜行之跡豈須龍見之期衆既叫心事無
費力神其德惟博載道實流謙勿辭板蕤之喧勉致
金湯之固使雲鋏雷杵遠振歡聲烏堞隼墉高標壯
觀吐吞淮月南吸江烟平欺鐵甕之名迥壓金甌之
記有備無患神其聽之

祭楚州陣亡將士

爾等尺籍投軍寸心報國羔裘武飾既以力稱馬革

雄圖早將身許爰有徐孽來侵楚封春喉之壯氣未
申失手之冤聲遽起始見荷戈就列翻為復矢成行
然而功其可稱死且不朽有狼曠之君子無羊斟之
小人昔時之重義輕生不求苟活今日之名存身喪
豈貯遺悲魂其有知各歎薄酌

寒食祭陣亡將士

嗚呼生也有涯古今所歎名之不朽忠義為先爾等
曠弩勞身蒙輪逞力奮氣於熊羆之列忘形於鵝鶴
之前能衍勇於干戈固免慙於林第今也野草綠色
林鷲好音杳杳逝川空流恨雨無極累累荒塚誰驗

魂之有知我所念子舊功勞我所傷子好時節俾陳
薄爵用慰冥遊共謀抗敵於杜回無效懷歸於溫序
能成壯志是謂陰功

移浙西陳司徒廟書

滔滔逝水幽顯雖殊凜凜雄風古今何讓苟或同心
立事必能異代論交司徒壯節奇功備載外孫之碣
靈恩顯驗高傳太伯之鄉譚揚而不假再三徵引而
難窮萬一今則冀動玄鑒直書素誠既當可舉而行
固在不言而信且此誓除國難齊命舟師將泛西江
即離北岸練鋪一水指疆界以雖分黛列千山望威

靈而如在今於樊境已立嚴祠敬迓來儀迺酬前願
幸移玉趾無戀石頭挂檝蘭櫓早決遷居之計鸞絲
鳳管佇申迎奉之儀况乃近境無虞芳筵不絕但得
禍淫福善何妨捨舊從新北渚烟花休起別離之恨
東塘風月好追歌舞之歡必能依統帥指揮永可振
司徒勲業特差專介用啓至誠昔之青骨標竒已謂
陰陽不測今也赤眉稔惡豈宜征戰無功將申烈烈
之威實假冥冥之助所冀八公山上遍設雄師五里
霧中能呈異術則必陰子春之破賊吳大帝之封王
共立功名若合符契無誤會稽之軍備有慙即墨之

神謀早詳禴祭之言永副里仁之義某白

手札

風烟雖通雲霧難披景仰靈威遙申誠願今已靜搜
勝地高創壽宮永可安居謹令咨迓便請挈家速至
尊當掃席相迎且鐵甕城低金陵地狹能施百福無
滯一方此欲劔拂妖星旗迎聖日必期大捷永致中
興幸其來助陰兵共成玉事目極東流之雪浪心馳
北顧之煙峰神弓移來哀江南某白

西川羅城圖記

西川羅城四何高三尋濶周三十三里乃今淮海太

尉燕公所築也粵若梁州別壤蜀國雄都內踔捷犴
外聯蠻蛋左臨百濮右挾六戎咽喉之控引寔繁唇
齒之輔依難保自昔鼈靈流異龜跡標竒藩籬始建
其一城高鏑猶虧於四郭管子則既忘重閉衛人則
唯慮徒居蠢彼狗封恣其狼戾每至草乾焚道浪縮
瀘河則必推紆橫侵撥羣驅隊編吐懾竄巷哭街號
戎兵以拔旆爲中權府尹以閉關爲上策稔成氛侵
積有歲時洎乾符初偶絕羈縻大興叛換白虎之狂
尖漸盛黃龍之舊約難尋兵力莫申帝心有寄以公
慶傳潛夢彙練圮書交趾銘勲則永威八詔鄆城報

政則不待三年屬蠻寇加囂王師告老遂飛懇詔請
救倒懸由是自東徂西以晝繼夜走單車於外境豈

煩襲遂獻書受戎輅於中塗真掩晉侯稱伯公鄆行
以咸陽

除授西
川節制遣衛齊略倏達成都于時驃信屯兵逼邠隊

而纜踰一舍黔黎失葉焚里閭而何啻萬家彼則舉

國而濟師此則闐城而受弊外熾崑岡之焰巽酒無

能內枯疏勒之源指梅何益莫非枕倚墻壁誰堪擲

執甲兵公至止之日豁啓城扉若開籠檻威振而寧

勞利器邪膽皆摧化行而如嗅新香驚魂盡返蠻王

以據耳飽聆其異略鏤膚畏挂於嚴誅恟然觀電懼

雷歛爾烏飛魚散公尋令選銳暫使追逃乘其垂翅

之時展我燎毛之勢數俘莫記執馘居多爾後因閱

地圖得搜天險是猿狖養高之窟爲豺狼伺隙之蹊

乃令一剏雄關一標巨防修功峽關置平夷鎮堞

則憑巒助峻長溝則導澗資深宛成善閉之機實扼

間行之徑九泥可固斷知無得而踰燿火罷驚坐見

不爭而勝仍尋水道別建河營大渡河側置防河營遠方猾夏

之徒難謀航葦均發戍申之卒免詠流薪疆陞永保

於覆孟塵閑唯矜於列鼎卿雲邦彥閑吟搜吐鳳之

詞卓鄭鄉豪靜坐貯躡鵠之利公以寢處戎閫夢想

扁舟將申遠慮於無窮豈立空言爲不朽乃曰彼蠻
之習也外癡內黠朝四暎三雖在叔此時功已成於
長秋而季孫他日憂必在於顯史詎可虛號錦城尚
無羅郭守民之制非我而誰啓抱而神欽至誠飛章
而帝允丹請時有賓審進難將校獻疑皆云公孫述

躍馬雄臨非無意也諸葛亮卧龍崛起亦有志焉但

以襄築子城猶資容土九年方就百代所難蜀無

儀築子城葦土於學射山况今將興廓落之基恐致

日役往還九載後始成遷延之謂公曰術先定事當速成必能終簡天心

豈謂虛穿地脉於是郡侯奔告邑尹樂從乃使揣高

卑議遠通慮材用量事期採時候於魯書佚規模於
周令引長江而剋長塹夏禹慙能對高嶽而劃高墉

秦皇失色矧乃命五丁而嘯侶運六甲以驅種天兵

則謠水於寒泉地媪則變沙爲美土

蜀地穿未盈尺泉湧漲起至是

土出沙中

實謂百靈幽贊萬姓悅隨鍾聚雲鋒杵騰

雷響不見烈風凌雨又令盞飽觴酣登登而只競歡

呼屹屹而便如湧出百堵皆作三旬而成然後郢匠

勞功素材變質優人展妙頰壤凝華攢空而烽櫓高

排架險而闐閣聳起橫分八尺結雕甍而彩鳳聯飛

檻徹四隅擁繡堞而晴虹豈挂罩一川之佳景籠萬

戶之歡聲遠而望焉則巍巍峩峩若雲中之疊嶂錦
霞靄霧隱暎乎其上也而察也則赫赫燁燁想海畔
之仙山金臺銀闕焜燿乎其間始自庀徒終於解後
不假朽緡於官稅無資剗粒於軍租築板所費錢一
百五十六貫米
一十九萬石皆由
智計不破上供皆聚羨財儼成壯觀遂使蠻酋旒

魄竇旅歸心不敢言摩壘而旋無因致入郭之後爰

徵繪事仰貢九重旋降論言過褒一字宣睿旨於翰

林才子綴妍辭於黃絹外孫築城碑今租庸王
相公承旨撰詞公雖

迎金鳳銜書未議石龜戴版蓋乃謙冲自牧取其功

伐驟稱及蒼鳥高飛翠華遠狩儼仙遊於玉壘安聖

慮於金墉故得親覽宏規益欽忠節特傳瑤檢徵進
碑詞遂命雕鐫永揚威烈實萬古未聆之事乃四方
無比之榮美矣哉龍以雲興魚因水樂誰不仰公智
周物表事照機先凡施權謀若合符契則昔全蜀未
城也天留盛績日待英才所謂有非常之人然後有
非常之事有非常之事然後有非常之功是以非常
者固非常人之所覲也致速雖丘堂觀奧師冕何知
而秦國欽賢由余不棄謹成實錄敢記殊庸所冀四
海掃航閱雄圖而格類九州旋鉞望法駕而安心中
和三年龍集癸卯八月二十五日記

補安南錄異圖記

交趾四封圖經詳矣然而管多生獠境邇諸蕃略採

俚譚用探方誌安南之為府也巡屬一十二郡

峯驩
廣愛

陸長郡諱武定
武安蘇茂虞林 羈縻五十八州府城東至南濱四百

餘里有山橫亘千里而遙邃穴深巖為獠窟宅蠻蠻

之衆六種星居鄰諸蕃二十一區管生獠二十一輩

水之西南則通閩粵大食之國陸之西北則接女國

烏蠻之路曾無亭堠莫審塗程跂履者計日指期沉

浮者占風定信二十一國雞犬傳聲服食所宜大較

相類管内生獠多跣山蹄或被髮鏤身或穿胸鑿齒

說音朝啗茲態睢肝其中尤異者卧使頭飛飲於鼻

受豹皮裘體龜殼蔽形擣木絮而為裘

獠子多衣木皮熟擣有如

織編竹筍而作翅生養則夫妻代患長成則父子爭

雄絰時有傳譯可通亦俗無桑蚕之業唯織雜彩挾

布多披短襟交衫或有不縫而衣不粒而食死喪無

服嫁姬不媒戰有排刀病無藥餌固恃險阻各稱酋

豪遠自漢朝迄于隋季荐興邊患頗役遐征馬將軍

標柱歸時寸分地界史摠管倒碑過後略靜海隅洎

咸通初驃信挺突元戎喪律鴟嘯於跼焉之地豕豕

於束馬之塗摧兇欲快於搥喉拯溺唯思於援手先

帝以今淮海太尉燕公宣威大漠政治上都時公防禦秦城

剗平醜虜才歸輦下出鎮安商乃請出鎮龍編立身豹略剗彫題而

卵碎活黔首以肌豐復壁壘於一麾拔封疆於萬里

有竄皆削無寇不伸朱道古稔茲於外杜存凌恣虐於內皆為安南巨患公乃誅滅

無遺故褚令公遂良竄殺日南子孫雕零公時表洗雪然後使電母雷公鑿外

域朝天之路山靈水若偃大洋沃日之波安南經年天威神

功所開播在遠邇遂得絕蠻課之北窺紆漢軍之南戍乃鳳

傳徵詔鷁泛歸程至於洞獠海蠻莫不醉息飽義遠

投聖闕請建生祠則知善政所行殊方可誘既見馬

如羊而不敢縱令蟻若象而何虞之以驗四夷之時

或不賓九牧之任不得所也有柔遠軍從事吳降嘗
集是圖名曰錄異叙云久觀遐蕃目擊殊形手題本
事然則信以傳信斯焉取斯 閱前詞退而嘆曰愚

之所以為異者其諸異乎人之所異曰六合之內何
物則棄至如鼠肉萬斤蝦鬚一文既知南北所產永
釋古今之疑則彼獸性羣分鳥聲類聚誠不足異也
頃太尉燕公受三顧恩用六奇計使獷悍歸服邊陲
晏然今聖上省方蒙玉獻款不較美吠堯之口永能
除猾夏之心皆由燕公收交州鎮蜀郡威振於犇魑
走魅功成於金壘湯池所謂蘊先見之能察未來之

事呼吸而陰陽不測指蹤而神鬼交馳實為天工人
其代之斯實可為異矣聊補所闕敢貽將來時翠華
幸蜀之三載也

求化修大雲寺疏

大雲寺募緣求化重修建瓦木功價等詳夫教列為
三佛居其一其如妙旨則暗禪玄化微言則廣諭凡
流開張勸善之門解摘執迷之網然則欲使衆心歸
敬須令像設莊嚴有感必通無求不應墾情田而種
福游法海而洵狹不可思議於是乎在當州城西大
雲寺雖臨楚甸實壓蜀岡舊創仁祠高標允位雨洗烟

窓之色萬朶前山風敲月砌之聲千株古木在一郡
乃徧為勝境於四時則最稱芳辰至如春水綠波雜
花生樹都人士女以邀以遊不勞聽法之緣自得消
憂之所則與城東禪智寺靈肩對聳而耳齊張夾煬
帝之遺宮擁淮王之仙宅壯茲樂土倚彼福田前年
偶值飛蝗未能避境旋憂聚蟻或欲毀堤故護軍特
進以將隔妖氛忽興猛焰遂使瑠璃之界翻成煨燼
之餘雖菩薩焚身固為常事而苾芻住足盡失安居
可惜祇園便同隙地今幸遇太尉將驅衆旅行滅羣
兇既逃過去之災或補未來之福欲安盛府許葺精

廬欲使爐續朝香鍾迎夜梵樹宿獼猴之友林栖鸚
鵡之王蓋尋貞觀之中曾傳帝語豈效太清之末酷
信伽譚所願廣運慈航徐搥法鼓深資功德靜剋妖
魔百官榮從於鸞旌萬乘遄歸於象闕次願太尉廓
清寰宇高坐廟堂演伽葉之真宗龍堪比德舉儒童
之善教麟不失時克興上古之風永致大同之化凡
於戴髮含齒鱗潛羽翔皆荷慈悲盡能解脫但以一
毛可拔先求信義之心百足不僵須賴扶持之力既
難獨辦固託衆緣無吝羨財合資洪福富者不仁之
說自古所譏積而能散之規于今可誠謹疏

求化修諸道觀疏

紫極宮重修城下諸宮觀求化尾木等價伏以苦縣
誕靈神州演法真性乃聖朝之祖強名為至道之宗
玉葉金柯耀芳陰於萬代瑤函瓊笈傳妙旨於四方
遂得齋醮有歸科儀無墜神宮靈宇宛寓諸天秘殿
精壇嚴修勝地當州東吳麗俗南衣雄藩鮑參軍則
賦銜精妍揚執戟則箴諄天矯而乃至道少勤行者
玄門無善閉之味澹口中動成大笑義深目外誰信
上昇福庭則草沒塵侵仙室則雨傾風壞况值梟聲
競噪虺毒強吹到處星飛但見羽書之惡經年霧集

唯聆甲騎之勞俗既喧驚教增寂默未有葺修之暇
非無捨施之緣今幸遇太尉德繼猶龍道深有象黃
石公之妙訣雅稱帝師赤松子之勝遊佇迎仙友是
故出則以六竒制敵入則以九轉服勤靜除閭外之
烟塵閑對壺中之日月三元遵敬一氣精修果見真
位高遷殊祥荐降彩雲片片飛來楚岫之風玄鶴覆
覆唳向隋宮之月又乃前年則江寇南逼去歲則淮
戎北侵蟻皆恃於成羣虵欲矜於結陣伏賴太尉雄
威坐振衆孽奔亡四鄰戴信於桓公八郡感恩於邵
父觀耕農之蔽野聽歌吹之沸天古人有言爲可爲

於可為之時則可其城下宮觀今欲旋集良工增修
舊址擬金室銀堂之制處處騰光俾星冠月帔之徒
人人潔跡微功若就良願克伸龍圖早耀於中興虎
旅永摧其大盜次願太尉運籌佐漢迥掩張良拊棹
遊湖靜追范蠡石留馬跡臺挂鳳音蓬島花開春醉
而閑乘白鹿芝田雨過曉耕而長任青牛罷吟小桂
之句獨邁大椿之壽然後仰從翔翼俯至潛鱗凡曰
含虛悉能蒙福但以所修宮觀荒摧既久經費甚多
無因獨辦資種唯仰衆成功德迦譚之難捨能捨猶
見樂輸道教之自然而然幸無輕諾謹疏

桂苑筆耕集卷之十六

桂苑筆耕集卷之十七

初投獻大尉啓

再獻啓

謝生料狀

獻詩啓

詩三十首

謝職狀

謝借宅狀

出師後告辭狀

謝令從軍狀

謝借船子狀

謝許奏薦狀

初投獻大尉啓

其啓伏以嶽之高與海之深物所歸而人所仰迥拔千仞平吞百川其如巘嶼擎天波瀾蘸日豁四方之

眼醒萬族之塊是宇內之所歌謠匪毫端之能賈詠
伏惟司徒相公獨抱神略一匡聖朝譽洽於良哉康
哉名標於可久可大龔黃德政則郡民有遺愛之碑
韓白功勳則國史有直書之筆况某劣同窺豹淺比
傾螺難將篆刻之詞輒頌陶鎔之業但以間生賢哲
年當五百之期廣集英豪客滿三千之數既納之似
水則來者如雲斯乃司徒相公鏡於心而寬芳綽号
枰於事而無偏無黨網羅雋彥籠罩驍雄於儒則沈
謝呈才於武則關張效力遂使弓旌招隱士巖谷為
之一空介冑降叛夫烟塵為之四息豈獨分憂於閭

外實惟稱慶於寰中莫不信齊於春夏秋冬恩播於
東西南北但日月照臨之所是風雷變化之時然則
尼父堂中亦有他鄉之子孟嘗門下寧無遠地之人
片善可稱前賢不讓永能執大邦之政豈欲遺小國
之賓是以敢寫微衷輕投朗鑒某新羅人也身也賤
性也愚才不雄學不贍雖形骸則鄙年齒未衰自十
二則別雞林至二十得遷鴛鴦谷方接青襟之侶旋從
黃綬之官既忝登龍敢言絳驥今者乍離一尉欲應
三篇更願進脩且謀退縮獨依林藪再闋丘墳課日
攻詩虞訥之詆訶無避積年著賦陸機之哂笑何慙

俟其敦閱致功琢磨成器求魚道在垂竿而不挂曲
鉤射鵠心專樵筭而箕術後鏃端操勁節仔望良時
竊見萬物投誠八紘嚮德不謁相公賓閣不遊相公
德門者詞人之所懷慙羣議之所發請某固敢隳肝
瀝膽進牘抽毫不避嚴誅輒申素懇謹錄所業雜篇
章五軸無陳情七言長句詩一百篇齋沐上獻冒犯
尊威不任戰懼之至謹啓

再獻啓

某啓某今月五日謹以所學篇章五通貢于賓次雖
慙獻亦輒覬攀龍脩客路以心摧望仁風以目斷乍

觀秦雲之態或似美人細看燕石之姿恐爲素物伏
蒙司徒相公光逾愛日煦及寒灰念以遠別海隅久
沉江徼特垂豐篚俾濟朝飢自驚擗櫟之材已荷稻
梁之惠雖龜魚投水驟喜命蘇而蚤虱負山深憂力
敗且其也兔絲雖絡蛛網自營萬計尋思不如學也
百年勤苦猶恐失之所以未競宦塗但遵儒道嗟仕
而懶趨塵土卜居而貪憶林泉人間之要路通津眼
無開處物外之青山綠水夢有歸時所願更淬鉞刀
終求鐵印斂跡而跼巖壑數安身而跌宕詞林嘗誦
古詩還符此意云志士惜日短愁人知夜長某既懷

志士之勤又抱愁人之苦聊憑毫牘敢述肺肝且如
踴壁冥搜杜門寂坐席冷而窓風擲雪筆乾而硯水
成冰欲為尼父之絕編無奈羲和之促轡即可知指
萬卷之經史恨三冬之景光及其凍枕傷神孤燈伴
影寒漏則滴殘別淚遙砧則搗破羈心空勞寧戚之
悲歌莫繼陸櫟之安寢亦可想貯千端之鬱邑過五
夜之寂寥然則志士之勤也既如彼愁人之苦也又
如此况某家遙日域路隔天池投客舍而方甚死讎
指何門而欲安生計唯慮道之將廢豈言人不易知
不敢以陋質凡姿覲相公清嚴之德不敢以片言隻

字希相公採錄之恩所望者或以其萬里地遠來十
餘年苦學稍垂惻憫得濟困窮則必堅背水之心終
為勇士決移山之志不讓愚公伏以某譯殊方之語
言學聖代之章句舞態則難為短袖辯詞則未比長
裾舌無三寸之能空緘壯氣腸有九回之懇但戀深
恩干浼尊嚴下情無任感戴兢惶涕泗之至謹啓

謝生科狀

某啓某昨日伏蒙仁慈再賜生科恩垂望外喜集愁
中安貧而已瞻晨炊感德而惟知宿飽遂使范家釜
甌免恨長闌顏巷單瓢倍加其樂伏以某雖楊曾穿

桀而蓬且斷根空把利錐真遇大賢之鑑豈將長缺
先興下客之歌一昨輒貢蕪音累塵專聽窺德宇而
燕雖相賀望威風而鷁恐退飛豈料司空相公俯念
海人久為塵吏特垂記錄繼賜沾濡生前之溝壑無
虞飢寒雖濟頭上之丘山漸重負戴難勝依投而既
類窮猿展效而願同病雀下情無任云云

獻詩啓

某啓某竊覽同年顧雲校書獻相公長啓一首短歌
十篇學派則鯨噴海濤詞鋒則劍倚雲漢備為賞頌
永可流傳如某者跡自外方藝唯下品雖儒宮纂善

每嘗窺顏冉之墻而筆陣爭雄未得摩曹劉之壘但
以幸遊樂國獲覩仁風久貯懇誠冀伸歌詠輒獻紀德
絕句詩三十首謹封如別定王拙舞適足自媿嫫母
濃粧轉爲人笑不足賞揚休烈翻憂浼黷尊威然聖
人以激勸誠深不問互鄉童子學者以揣摩志切皆
投鬼谷先生伏惟特恕荒蕪俯垂采覽所冀趨仁化
於江址終得傳美譚於海東唐突藻鑒下情無任戰
慄之至謹啓

七言記德詩三十首謹獻司徒相公

兵機一

惟將志業練春秋早蓄雄心剗國讐二十年來天下
事漢皇高枕倚留侯

筆法

見說書窓暫卧龍神傳妙訣助奇鋒也知外國人爭

學惟恨無因乞手蹤

南朝蕭子雲善書百濟使人求手蹤以為國寶

性箴

波澄性海見深源理究希夷闢道門詞翰好傳雙美
跡何須更寫五千言

雪詠

五色毫端六出花三冬吟徹四方誇始知絕句勝聯

句從此芳名掩謝家

射鵰

能將一箭落靈鵰
萬里胡塵當日銷
永使威名振沙漠
戎無復吠唐堯

安化

班筆由來不暗投
旋驅熊隼待封侯
郡名安化能宣化
更指河湟地欲收

練兵

隴水聲秋塞草閑
霍將軍暫入長安
太平天子憐才略
曾請陳兵盡日看

碯溪

刻石書蹤妙入神一迴窺覽一迴新况能早逐王師

業桃李終成萬代春

伏觀相公碯溪詩云及到王師身已老不知辛苦為何人又經

號縣詩云手栽桃李十餘春今日經過重建勳

射虎

鉅牙鈎爪礙王程一箭摧班四海驚白額前驅姜膽碎方知破石是虛聲

秦城

遠提龍劍鎮龍庭外戶從茲永罷宿掃盡邊塵更無事暮天寒角醉吟聽

生祠

古來難化是蠻夷
文政何人得去思
萬代聖朝青史
上獨傳溪洞立生祠

射鞭

休說戟枝非易中
莫言揚葉是難穿
須看立節沙場
上永得安邊為射鞭

安南

西戎始定南蠻起
都護能摧驃信威
萬里封疆萬戶
口一麾風雨盡收歸

天威徑

鑿斷龍門猶勞身擘分華嶽徒稱神如何劈開海山
道坐令八國爭來賓

峯口徑

濟物能迴造化心驅山偃海立功深安南真得安南
界從此蠻兵不敢侵

收城碑

功業已標征北賦威名初建鎮南碑終知不朽齊銅
柱况是儒宗綴色絲

碑今度支襄
漢射撰詞

執金吾

一陣風雷定八蠻來趨雲陛悅天顏王孫仕宦多榮

貴心為直君不整閑

天平

海岱烟塵匝鄆城遙揮一劍落挽搶征旗不動降旗
盡永使天平地亦平

釣魚亭

錦筵花下飛鸚鵡羅袖風前唱鸚鵡占得仙家詩酒
興閑吟烟月憶蓬壺

伏觀相公在鄆州詩云酒滿金
缸花滿枝雙城齊唱鸚鵡詞又

釣魚亭詩云水惡魚
難釣風吹柳易低

相印

早說休徵應佩刀台星光接將星高欲迎霖雨歸龍

關看滅妖氛長豹韜

西川

遠持龍旆活龜城威懾秦王永罷兵
應笑縻巴嘆孟酒兩師風伯自歸行

平蠻

邛峽關東蠻塵絕平夷鎮扼蠻地裂
又築羅城變錦城蠻兵永滅功不滅

築城

一心能感衆心齊鐵甕高吞劍閣低
多上散花樓上望江山供盡好詩題

荆南

虎吼龍驤出峽來福星才照陣雲開
遠思屈宋忠魂在應向風前奠一杯

漕運

濟川已展為舟葉煮海終成富國功
能與吾君緩宵旰為資心計四方通

浙西

九江賊膽望風摧萬戶愁眉向日開
楚舞吳歌一何樂相逢相賀相公來

降寇

唯將德化欲銷兵長笑長平恣意坑更想太行小
惠何如言下濟羣生

淮南

八郡榮超陶太尉三邊靜掩霍嫖姚玉皇終日留金

鼎應待准玉手自調

劍南荆南淮南乃天下名鎮相
公累按節制西戎南蠻東鄰賊

起相公皆
自討除

朝上清

齊心不倦自朝真豈爲修仙欲濟人天上香風吹楚
澤江南江北鎮成春

陳情

俗眼難窺冰雪姿終朝共詠小山詞此身依托同雞
犬他日昇天莫棄遺

謝職狀

右某今月二十五日伏奉公牒特賜署充館驛巡官
者恩降台階先生旅舍承命而吟魂乍懾叨榮而病
骨能蘇攀依有心荷戴無力伏以某孱生曠野秀託
荒田豈惟良匠不窺抑亦農人見棄風歌弱植難舉
勢於凌雲塵纖纖莖但懷愁於委地昨者不慙猶者
輒效狂生累貢已詞仰瀆秦鑒伏惟司徒相公念以
來從異域遠寓樂郊俯愛似龍不嫌非鳳拔衰莠於

糞上搜滯刃於獄中許厠嘉賓仍沾厚俸神仙見顧
稍親郭隗之臺驚塞何施得主鄭莊之驛况乃念子
襟之志業辱華袞之褒詞刻畫恩深已能長價琢磨
志切終願成功修身則飲水懷冰鍊思則吟烟嘯露
唯當勸節以謂報恩謹詣衙門祇候陳謝下情無任
感激彷徨榮懼之至謹狀

謝借宅狀

右某昨日客司奉傳處分借賜官宅安下者仰聆尊
旨俯省庸才既榮拔跡之有門唯恨殺身之無路伏
以某自趨龍旆免泣牛衣職奉非輕書糧頗贍嘗讀

魯論語曰學而優則仕仕而優則學是以望東開之
閣永誓依仁坐甘面之憲唯期隸業非敢隱居而不
嫁祗將真道而自媒今者幸寓樂郊况栖靜室登孺
則不勞涉遠簞瓢則永遂安貧豈謂愛閑誠堪養勇
三年就學非慕蘭之心一日成功願湍依劉之志
下情無任感恩激切兢惕之至謹詣衙門祗候陳謝
謹狀

出師後告辭狀

右某伏念來從異域託在德門昔曾名列桂科未知
稱意今忝職居蓮府始覺榮身息既厚於稻梁跡能

安於萍梗日增學植月瞻書糧豈期市駿之金傷沾
鴛鴦唯愧封侯之印未效禎祥今者屬以大慙逋誅
中朝多難頃煩豹略佇滅豺聲伏惟太尉相公身耀
福星均臨庶類手傾霖雨遍洗妖氛遠命舟師重興
國祚華夷則望風競抃蠢植則剋日當蘇若某者空
有肺腸方重禱祝恨無羽翼一遂奮飛望龍節以魂
銷窺虎威而股慄雖則熊羆之力共喜安人其如犬
馬之心常增戀主一情無任攀依激切涕泣之至謹
狀

謝令從軍狀

右某適見客司俸傳處分令借舟舡隨從行李者深
息既降壯氣潛伸勵心而願效驅馳感德而難勝踊
躍伏以某塵中走吏海外腐儒五能非自濟之資一
割無可施之處唯增慷慨已分沉淪豈無投筆之心
時應未偶空有請纓之志力且難成誰謂忽被殊私
不遺賤跡許隨旌旆借賜舟航塞之無堪敢望維駒
之念麼姿何幸遽叨泛鷁之榮况當泣路之時永荷
濟川之賜下情無任感戴欣躍兢惕之至謹狀

謝借舡子狀

客司奉傳處分借賜舡子安下者某方脫窮鱗得攀

画鷁自慙跡在塵吏忽訝身為水仙則彼甘寧割錦
纜而呈奢顧愷毀布帆而無恙豈若榮拙德宇又泛
仙舟風波無失所之憂烟月有搜吟之暇况清流滿
望暑氣銷威每當定志安神則乃銘肌刻骨謹課七
言長句詩一首齋沐上獻干瀆台堦下情無任荷戴
兢惕之至謹狀

謝許奏薦狀

右某昨日見衙前兵馬使曠師禮奉傳處分特賜慰
問兼許奏薦令自修狀奉來者俯慙蓬跡仰聽蘭言
喜林而身輕欲飛兢惶而心戰難遏何者某職叨鄭

驛已謂極榮名達堯階實為過望憑何展效佩此恩
光况乃朗鑑冰開英才霧集所宜倒屣則先迎玉祭
築臺則次接劇辛如某者輟耕海上之田來涉塵中
之路雖云游學尚未成功豈料勤勞莫副於指蹤將
念已全於卯翼許令伐善將使警愚每思却子之驟
稱深慙速謫欲效黃公之多讓又恐失時真緝拙詞
仰遵嚴命南宮造之問宣父實有所歸東方朔之對
漢皇寧辭自責既忝風雷之變化佇期雨露之沾濡
下情無任感戴榮抃兢灼之至謹奉狀陳謝謹狀

桂苑筆耕集卷之十七

桂苑筆耕集卷之十八

書狀啓二十五首

賀破淮口賊狀

賀高司馬除官

謝職狀啓二首

謝加料錢狀

謝衣段狀

謝借示法雲寺天王記狀

謝示延和閣記碑狀

謝改職狀

謝探請料錢狀

與恩門裴秀才求事啓

獻生日物狀五首

端午日獻物狀二首

謝新茶狀

謝櫻桃狀

謝冬至節料狀

謝寒食節料狀

謝社日酒肉狀

謝匹陵狀

賀破淮口賊狀

右某昨日竊聆淮口鎮狀報今月八日諸軍合勢殺
戮狂賊已盡者伏以徐州賊黨偶因嘯聚敢恣喧張
鳩集同巢勢必不久蟻風相吊生能幾何猶懷拒轍
之心未有返轅之意伏賴太尉相公雄聲遠振妙略
潛施謀安四方決勝千里遂使淮山樂境長承虎豹
之威泗水孤城免作鯨鯢之餌功著於暫勞永息計
資於彼竭我盈小盜旋除中興可望三軍之勇氣方
振百姓之驚魂再蘇但仰恩威咸增抃躍謹祗候陳
賀謹狀

賀高司馬除官

某啓伏承司馬二十五郎榮膺寵命伏惟感慰伏以
漢朝美仕稱太傅少傅之榮晉代高流諍大阮小阮
之譽然而但欲脫身於利祿無非縱志於歌吟於臣
則虧報主之誠爲子則失榮親之節豈期太尉相公
重言天應美命風行遂令司馬二十五郎挂綠衣披
朱紱動高堂之喜色振德宇之嘉聲佐理多閑藹餘
芳於玉樹連官獨貴掩前哲於竹林某每愧小儒忝
竊大厦觀鷗鵬之逸勢貯燕雀之歡心下情無任抃
躍之至謹奉啓陳賀謹啓

謝職狀

右某志雖求已藝不及人伏蒙太尉相公仁慈肉被
摧骸翼成煖卵難飾片言隻字粗伸感德懷恩今則
久貯血誠敢憑毫素先甘鼎鑊仰黷旌幢謹具長書
咨陳下情無任戰灼之至伏惟特寬罪誅俯賜念察
謹狀

長啓

某啓某伏以短綆不可以汲深頑鋒不可以剗滯是
故不能者止周任有言自宜量力而行豈可從心所
欲某東海一布衣也頃者萬里辭家十年觀國本望

止於牘尾科第江淮一縣令耳前年冬罷離末尉望
應宏詞計決居山暫爲隱退學期至海更自琢磨俱
緣祿俸無餘書糧不濟輒攜勃芻來掃膺門豈料太
尉相公迥垂獎憐便署職秩跡趨鄭驛身寓陶窻免
憂東郭之貧但養北宮之勇去年中夏伏遇出師忽
賜招呼猥加驅榮許隨龍旆久倚鷁舟每恨布鼓音
凡鉛刀甞鈍縱傾肝膽莫副指蹤遽蒙念以慕善依
仁特賜奏薦重言天應忝獲超昇若非九重倚賴於
功名十道遵承於法令則其恩命亦豈肯許某自江
外一上縣尉便授內殿憲秩又兼章綬且見聖朝簪

裾烜赫子弟出身入仕二三十年猶挂藍袍未趨蓮
幕者多矣况如某異域之士乎昔有一日九遷無以
及斯榮盛某嘗讀魯論見仲尼使漆雕開仕對曰仕
進之道未能究習善其深志夫子致悅某雖慙不敏
竊有慕焉昨蒙恩慈特賜轉職尋已具狀陳讓無納
所賜公牒伏奉批誨即有勅命但請收之某既蒙未
允至誠固且仰遵嚴旨立愧形影坐驚神魂每當夜
對寒缸曉窺清鏡感激而頭橫涕兩憂惶而背泱汗
漿雖榮擺脫於風塵倍赧汚瀆於門館伏以太尉相
公雄名峻望碩德茂勳不唯雲覆九州抑亦風揚萬

國寓目傾耳仰爲指南儒武所歸一人而已是以諸
道景附馬首是瞻其如都統巡官須選人材稱職外
塞四方之望內資十稔之威若今某塵玷恩知尸素
位但恐買戎狄之笑沾史傳之譏昔漢朝金日磾
常在武帝左右帝欲別加寵遇日磾辭曰臣外國人
且使匈奴輕漢某今日之請實在於茲諸廳郎官早
陳公議蓋以賤無妨貴欲令夷不亂華某伏自前年
得在門下更無知識唯謁諸廳幕中垂情幸而獲宥
竊聆太尉相公去年夏於東塘顧問某之時諸郎官
同力薦揚和之如響遂沾厚遇遽竊殊榮昨者繼陳

讜言不徇尊旨實乃惜太尉相公之名望存淮南藩
府之規儀事體不虧裨賞斯在冬末面奉處分欲使
別開院宇雖承息諾轉切憂懷何者六韜曰人才大
小猶如斗也不可盛石滿則棄矣故孔子云孟公綽
爲趙魏老則優不可以爲滕薛大夫今者甘寘嚴誅
輒傾真懇乞解所職官諒可也伏惟太尉相公時賜
允從今得其所儻蒙未垂擯棄猶許依拙則望成別
補冗貲或薄支虛給一枝數粒可養羽毛斗水尺波
得安髻鬣固非矯飾廉讓爲名實願揣量分涯免成
負累恩德春秋傳曰齊侯使敬仲爲卿辭曰羈旅之

臣免於罪戾施於負擔所獲多矣敢辱高位請以死
告使爲工正不失令名故事昭彰卑誠悃悞守道而
得無性矣登門而免見睚之但願藥石留恩終有凌
雲之望著簪挂念永無委地之愁干冒台威下情無
任懇迫憂兢之至謹啓

謝加料錢狀

右某今日某官奉傳處分每月加給料錢二十貫者
某厚沾職俸過贍書糧羶羊之角且不羸羸鼠之腹
能易滿唯憂福盛難報息深豈料筆端之白鳳之詞
日無可效囊底獲青鳧之術月有所增但懷臨谷之

心恐敗負山之力唯願除供陋巷之食分濟遠鄉之
親同感厚恩永傳遐俗或成浮費必速幽誅下情無
任荷戴兢惶涕泣之至

謝衣段狀

某啓伏蒙恩慈賜及生衣段一疋疋者伏以風雖解
愠日可畏威始當蒸鬱之時忝受鮮華之賜敢效八
公之侶欲銜六銖但隨百姓之歡同歌五袴况乃某
幸趨台階榮託德門實資千載之遭逢每濟四時之
服飾慈念而情踰父母稱揚而禮異賓僭今者輕敷
衫材細練構制俾趨儉慕許曳絮裾雖思耀遠人之

呈妍於鮫室而名慙奇士甘致刺於鶉梁下情無任
感戴之至

謝借示法雲寺天王記狀

某啓昨日伏蒙恩慈借示修法雲寺天王碑絲毫乍
閱俗眼初醒唯慙鐵印之傭流忽覩銀鈎之妙迹旣
成國寶豈許家藏竊聆將勅貞碑始揮神筆風停滅
暑天酒呈祥固知垂露之蹤便成甘露况假崩雲之
勢永耀法雲宜乎琬琰之詞鎮彼瑠璃之地共傳嘉
瑞遠振芳聲然則隋煬帝之故都永為寶窟謝將軍
之舊宅終作福田下情無任捧讀師禱榮懼之至其

碑謹專諮納謹狀

謝示延和閣記碑狀

某啓昨日觀察衙推邵宗奉傳處分賜及延和閣記碑本一軸者跪展真蹤仰窺良節對銀鈎而手舞足蹈望玉輦而魂飛膽揚伏以太尉力贍補天心動捧日遂啓遷都之議佇聆徒蹕之期恭候宸遊儼成壯觀但以尋章摘句素非吳主之心進牘抽毫唯在陳王之命爰令幕客謹撰碑詞支使侍御丘門顏回融帳盧植能揮直筆妙寫尊襟叙三年塗幸之丹誠則鼓傳衆聽述一片勤王之忠節則鏡照羣迷實乃酣

飲德馨備陳事實永使竒功秘略皆令陋古榮今太尉相公志切迎鑿喜勝覽撤旣賞美於凌雲百尺將掩能於入水八分遂乃親染綠毫俾鑄翠琰隨手而龍蛇旋活迎鋒而劒戟交橫畫玉點珠豈可比蘭亭醉本撒雲挑霧只宜示蓬島真仙誰料末儒亦叨殊旣輒敢覬覦將頌是知誘諭孱庸何則名題桂宮跡隸蓮府雖忝一時之有遇實無萬代之可稱今者支使侍御以好善心得稽古力騁真才子之藻思辱大丞相之筆蹤唯為賓席殊榮別是儒家盛事則彼郭隗受黃金厚禮虞卿沾白璧深恩強欲比方却成說

瀆然則四方舐墨含筆之士也莫不競效顰眉之態
潛希唾口之恩仰脩脩然勤慥慥爾如某者學海至
海雖云有心執柯伐柯猶恐傷手持弊帚而徒增健
羨遇神錐而便欲投降唯願讀五千卷之書庶幾入
室把十九年之刃無愧發硎每覩仙書更敦壯志稍
希異闕黨童子何敢望儒林丈人其所賜碑唯慎捧
持敢矜披閱待過天池之外遍諄日域之中想彼驪
龍頷下之珠永當減價巨黿頭上之客必欲偷者下
情無任竇玩師仰之至

謝改職狀

右某伏蒙仁恩特賜公牒改署館驛巡官今隨旌旂
西去者雖命重難荷而身輕欲飛稱心懷捧檄之榮
滿口詠從軍之樂唯慙幽劣有辱獎怜感恩而既識
海深舉步而但憂水薄况無孫奪之精騎自比顏峻
之小兒將何以剖拚事機游揚德業然所願者得睹
龍飛玉劍豹掣牙旗風雷振大捷之聲日月照中興
之運則某也有望於一言長價或爲天上之人萬里
從知免作池中之物行唯踴躍坐則禱祠下情無任
榮抃兢灼之至謹齋沐祗候陳謝

謝探請料錢狀

某啓某頃者西笑傾懷南音著操蓬飛萬里迷玉京
之要路通津桂折一名作金牘之懸疣附贅乃是常
常之事徒云遠速而來海隅未覺於榮家江徼况勞
於佐邑由是詠南陔而引咎望東道以知歸伏象太
尉念掃德門許遷代舍濡毫涖牘深慙雪苑之清才
頂笏腰魚遽忝霜臺之峻秩傳天上披衷之命榮日
邊垂白之親以宣父見知則實同陳隼以遠人多幸
則不讓漢貂雖承就養無方久想宗族稱孝然而煙
波阻絕難申負米之心風雨淒涼空灑梁山之淚既
踈溫清又闕旨甘但切責躬敢言養志况又無鄉使

難附家書唯吟陟岵之詩莫過渡滇之信今有本國
使舩過海某欲買茶藥寄附家信伏緣蹄涔易竭溝
壑難盈不避嚴誅更陳窮懇伏惟太尉念以依門館
次三千客別庭闈已十八年既免行傭有希及哺特
賜探給三箇月料錢所冀祿遂及親遠分光於異域
志能求已永投跡於仙鄉于瀆台階下情伏增感泣
兢慙懇迫之至其請錢狀別具上呈云云

與恩門裴秀才求事啓

某伏念身托德門先生異域雖池蛟得兩無沉埋末
路之憂而海燕含泥有點汚畫梁之罪跡賤而兢惶

倍切息深而展效何期豈合更寫卑誠仰塵尊德但
以事非獲已情或可哀不辭鈇鉞之誅冀滿斗筲之
望伏緣某昨聆座主侍郎主銓東洛道路不通且在
襄州行李極困早欲發遣專使切緣力未副心今有
諸兄弟裴僖遠將窮懇相告輒具別狀干瀆台階下
情無任戰灼之至

前湖南觀察巡官裴瓌

右件人是某座主侍郎再從弟某去乾符三年冬到
湖南起居座主侍郎之時見於諸院弟兄中偏所記
念自數年繼遭剽劫生計錫盡骨肉凋零久在江南

近投當府願披情懇泣告尊慈駐留多時不幸疾苦
遂且扶持發去云欲逕往襄陽迎接侍郎今得書云
行至滁州前去未得道途既阻溝壑是虞况乃孤孀
三十餘口更無產業未卜定居伏緣某家寄日邊路
踰天外杳無來信固絕他圖既無寸土以分耕寧有
尺波而假潤是以不量僭越輒具薦論命懸涕鼎之
中目斷台階之下非不知捋虎鬚之險非不知探龍
領之難但緣既忝門生豈論賓貢鴛鸞之與螻蟻感
息皆同多士之與遠人報德何異伏乞太尉相公念
以程窮計盡 其柱促聲哀特賜於廬壽管內場院

或堰堦中補署散職所冀月有捧入便獲安家裝璜
即自到襄州令茅璠仰副驅策不度涯分浼瀆尊嚴
下情無任感泣兢懼之至

獻生日物狀

某啓伏以降跡仙山爲行恩於浴果挺神維嶽期定
亂於危時是以杞梓材長松椿壽永名字已標於金
籙兵符暫理於玉鈐伏惟太尉相公負嶠稟靈尼丘
誕質大任天降中庸日彰四夷識領膳之門遠播仁
蔭萬姓歸返魂之域盡飽德馨况今秦甸停氛鎬京
張孽息虎旅奔沉之患望豹篇掄縱之機暫施決勝

之謀永致昇平之運則必坐寧環海後當去會瑤池
五色輕雲鎮隨行止千年素鶴競效驅馳獨保長生
却登真位調鼎佐玉皇之命銜孟聽金母之歌自此
漢室公卿仰羨而空知望斷仙家朋友相逢而不訝
未逢某居近鼇峰遇深驥坂每睹張良之術唯吟郭
璞之詩喜對今辰敢陳善祝龜蛇病骨叨承救活之
恩難犬癡心竊有奮飛之望下情無任虔禱依攀欣
抃之至輒以海東藥物輕黷草巖謹具別幅伏惟俯
賜念察謹狀

又狀

某啓某聆天降賢人濟天下之人也是以材合地寶
性契天和高闢德門深匡帝室伏惟太尉相公漢師
仙格魯聖儒機推心於三代之英鍊氣於五行之秀
今者正融韶景共慶誕辰四方飽開閭之恩萬族獻
稱觴之懇伏惟龍韜暫展靜卷妖氛鳳輦遄歸永興
清運然後誠白石生之妙術從赤松子之勝遊鼇頭
擎五色之雲久勞西望豹尾指二京之路整事壯征
佇揚滅寇之勲便舉朝真之禮某極身大厦祝壽中
春下情無任禱祠歌詠欣躍之至謹具別狀輒申微
誠伏惟恩慈俯賜念察謹狀

物狀

海東人形參一軀

銀裝龕子盛

海東實心琴一張

紫綾帟盛

右伏以慶資五福瑞降三清中春方盛於香風上德
乃生於遲日凡荷獎延之賜合申獻賀之儀前件人
參弁琴箏形稟天成韻含風雅具體而既非假貌全
材而免有虛聲况皆採近仙峰携乘遠地儻許成功
於藥曰必願捐軀如能入用於蓬壺可知實腹誠慙
菲薄冀續延長塵蹟尊嚴培增戰灼伏惟俯賜容納
下情幸甚

蓬萊山圖一面

右伏以重陽煦景仙界降真雖長生標金錄之名而
衆魁祝玉書之壽前件圖千堆翠錦一朵青蓮雪濤
蹙出於墨池鯨噴可駭雲嶠湧生於筆海龍戴何輕
不愧瓊微輒將陳獻望卧龍而股慄隨賀燕以魂飛
伏惟略鑒心誠俯賜容納所冀近台座而永安寰海
展仙齋而便對家山許沾一顧之榮預報三清之信
輕蹟視聽下情無任禱祝歌謠兢灼之至

人參三斤

天麻一斤

右伏以昴宿垂芒尼丘降瑞始及中和之節爰當大

慶之辰仰沐尊慈合申卑禮前件藥物採從日域來
涉天池雖徵三楹五葉之名慙無異質而過萬水千
山之險貴有餘香不揆輕微輒將陳獻所冀海人之
藥或同野老之斧伏惟特恕嚴誅俯容情懇續靈壽
則後天而老駐仙顏而興日長新下情無任禱祝忻
躍兢惕之至謹狀

端午節送物狀

織成鞦韆一條

右伏以晏陰將定令節俄臨遇天地之仁時睹江淮
之樂境伏惟大尉應五百年運用八千歲為春仰賞

薰風高揚畏日不假渡瀘之役自成匡漢之謀其忝
在末睿合陳微禮前件鞍幘駕機呈妙黻錦成華當
懋影於追風或資光於照地伏願鞍也助百福永安
之慶幘也表四方率服之誠干瀆尊嚴下情無任禱
祝兢惶懇激之至伏惟俯賜容納謹狀

雪扇一柄

右伏以星火揚輝雲峰聳影遇陳大守饗遙祠之節
效華封人祝仙壽之誠前件扇細糝飛綿輕鋪凍練
雖假丹青之跡實含潔白之姿裁規則不學齊紈空
誇圓月委質則願依孫閣得振仁風謹獻台堦無任

悚慄伏惟俯賜容納百生榮幸謹狀

謝新茶狀

右某今日中軍使俞公楚奉傳處分送前件茶葉者
伏以蜀岡養秀隋苑騰芳始興採擷之功方就精華
之味所宜烹綠乳於金鼎泛香膏於玉甌若非靜揖
禪翁即是閑邀羽客豈期仙貺猥及凡儒不假梅林
自能愈渴免求萱草始得忘憂下情無任感恩惶懼
激切之至謹狀陳謝謹狀

謝櫻桃狀

右中軍使俞公楚奉傳處分伏蒙賜及前件櫻桃者

伏以三春之下始閱群芳百果之中獨誇仙達綴仙
露而堪教鳳食被德風而肯許鸞含遂令摘自喬枝
分其美實豈期末品亦荷深恩捧持而色奪楚萍咽
嗚而味欺蘇橘何必貯赤瑛盤上最宜對白玉樽前
勻排萬顆之珠不唯眼飽似服一丸之藥便覺身輕
下情伏增感戴之至謹奉狀陳謝謹狀

謝冬至料狀

右伏蒙仁恩特賜前件節料者伏以某忝棲德宇不
愧異鄉萬里滄波雖恨絕東來之信三冬愛日且歡
迎南至之辰豈料尊慈別垂厚賜玉粒既資於同穎

霜華乃出於兩岐不勞大嚼之言却懷中聖之慮莫
識酬恩報德唯知飽食醉吟下情無任兢懼之至謹
狀

謝寒食節料狀

右伏蒙仁慈特賜前件節料米糲羊酒等者伏以
人舉令回祿沮威正吟化俗之仁風又對順時之甘
雨仰沾豐饌遇瞻新炊况乃蟻慕芳糲蛆浮清醞捧
恩光而飽飫豈止三朝玩春色而醺酣可期千日抵
知歌詠何報陶鈞下情無任感戴之至謹奉狀陳謝

謹狀

謝社日酒肉狀

右伏蒙恩慈特賜前件酒肉等者伏以候燕應期句
龍受祀一半之韶光欲老千般之旅思相攻只知吟
樂國之春豈料捧仙家之賜陵分甘隴淮減香釀想
田夫醉舞之場起海客狂歌之興敢效陳平壯志便
發大言唯尋徐邈前蹤略判中聖其肉并酒謹跪領
訖下情無任感戴之至謹狀

謝正段狀

緋羅

紫綾

紫天淨紗

紫平紗

黃平紗

黃絹

熟綿綾袴版

右伏蒙仁恩特賜前件正段霞舒鳳縷雪疊鮫綃猥
分絳帳之餘俾換褐袍之飾不學玉尼巧說遽叨盧
志殊榮唯慙樓犧之姿不稱蜉蝣之什但願勵食蘩
飲水之節報披朱拖紫之恩下情無任感戴兢惕涕
泣之至謹奉狀陳謝謹狀

桂苑筆耕集卷之十八

一、
二、
三、
四、
五、
六、
七、
八、
九、
十、

桂苑筆耕集卷之十九

狀啓別紙雜書共卅首

上座主尚書別紙

賀除吏部侍郎別紙

賀除禮部尚書別紙

濟源別紙

迎楚州行李別紙

首二五月一日別紙

謝降願狀

與金部郎中別紙

與客將書

謝宋絢侍御書

答裴掘庶子書

謝高秘書示長歌書

謝李珣狀

謝元郎中書

謝周繁秀才以小山集見示

與壽州張常侍書

賀楚州張叡府尚書

與假牧書

上座主尚書別紙

不審近日尊體寢膳何似道惟滌慮德以潤身致五
福之併臻迎百靈之所薦伏惟節宣無爽時望有歸
其竊窺曩史之傳芳備載達偕之晦跡疏太傳登其
祖帳僅涉沽名陶朱公泛彼栢舟未忘邀利豈若尚
書中庸守志大隱存神表獨見之能察未萌之事遂
得高揚素節夙避危時到處煙塵不污指鴻之目終
年雲水能怡夢蝶之心然而宸鑒屢回物情猶鬱欲
作山中宰相其如天下蒼生即期大駕還京必赴上
台虛位斯乃萬乘瞻矚四方禱祈某海燕舍泥忝栖

雲屋池蛟得雨早脫塵塗感恩自比於互鄉仰德但
思於闕里唯願泥沙賤質永資陶冶深息卑情不任
攀戀虔祝涕泣之至謹狀

賀除吏部侍郎

某啓伏承榮膺寵命伏惟感慰張司空之一匡西晉
則藻鑒無倫謝太傅之忽起東山則黍藜是念苟欲
幽栖悅志獨處忘懷緘輝而恥耀秦臺蘊味而懶調
殷鼎則乃智者仁者止傳樂山水之名賢才俊才盡
失脫塵泥之望羣情久鬱美命遂行今者侍郎靜揖
巖扉高提銓管萬族仰清通之譽一時進寒素之徒

致使關中之寇孽灾消海內之英雄道泰近又竊聆
風議仰測天心必謂文司再歸重德然則任賢得地
既叶五百年之期好學趨門必盈七十子之數繼集
仙遊於蓬島盛傳儒禮於杏壇既搜虹玉驪珠皆成
國寶佇見臺鸞閣鳳永作家禽某伏思萬里無依久
勞漂蕩十年有遇幸遂奮飛異鄉榮垂白之親違路
忝披朱之飾昔名士爲李公御者喜抃猶多今遠人
稱尼父生徒光輝無比陳至懇而喙翰三尺望深仁
而腸結九回下情無任抃賀踊躍感激之至伏惟俯
賜念察謹狀

賀除禮部尚書別紙

伏承天恩榮膺寵命伏惟感慰昔子貢曰夫子之文章可得而聞夫子之言性與天道不可得而聞也然則至於四科弟子窺測尚難况是萬里遠人鑽仰何及固不效尤於篆刻請益於琢磨強搜類鶩之詞是蹟猶龍之德今者遠聆美命俯切歡心望峻中臺迥冠鴛鴦之列恩深大厦空傾燕雀之誠伏惟捨念雲泉拯民塗炭輔弼契千年之運好雄避七日之誅某跡忝諸生身拘倖職末由陳賀下情無任抃躍兢惶禱祝之至伏惟俯賜念察謹伏

濟源別紙

不審近日尊體何似伏想孟津別壤沈水清源風晴
而歌枕泉聲雲曉而卷簾山色既見境舍秀麗固當
道脫冲和伏惟每慎寢興早歸燮理顯驗月中之夢
贊成天下之春卑情無任攀戀禱祝之至謹狀

迎楚州行李別紙二首

不審近日利涉長淮尊體寢膳何似伏以源滋桐栢
浪接蓬萊雖漸臨壽煥之期而宛對清虛之境開樂
鏡而真同月映泛齋舟而况值風調誰言避地之行
實叶濟川之業伏惟緩飛仙棹靜運真筌庶納休禎

每加遵護卑情懇望謹狀

又

某啓今日某日專使至伏蒙恩慈特降尊誨跪讀欣
抃不任下情伏審尚書速赴天庭將遵水道整蘭橈
而思郭泰指桂苑而訪劉安睹神仙則楚俗皆驚聞
雅頌則魯儒相賀况某材實慙於楛矢跡嘗列於蓬
壺為倚德門獲栖候府今者佇迎鶴駕即覲龍章既
知天章遭逢唯切日深踊躍且曾誓陳浴沂之志只
見虛談仲由悅浮海之言終非實事輒以管窺筵擊
真為古陋今榮卑情無任攀戀欣抃兢惕之至云云

五月一日別紙

某啓伏以黃雀風高蒼龍星耀
弄雨而梅雖應夏鋪
烟而麥已驚秋時定晏陰
資全德伏惟尚書處身
無躁深守禮經視履考祥
雅符易道恬澹則老聃讓
美清虛則周顛懷慙冰光
長泛於玉壺豈復獨映天
意久留其金鼎唯望親調
方當鷓返仙舟必見鳳銜
睿筆入康帝室永福寰區
下情無任虔禱鬱戀激切
之至謹狀

謝降顧狀

某啓某未遂山栖尚從塵役
所居官舍深在軍營雖

異衡門實同陋巷既之君章之蘭菊可襲馨香空餘
仲蔚之蓬蒿偏資寂寞春日則蝶牽晝夢秋風則蛩
助夜吟以此為娛無他所覲今者方經離亂再獲起
居但喜攀父母之恩却慙下兒女之淚况某叨榮秦
爵就學漢儀姜維之膽氣雖麗鄧艾之口詞甚訥唯
深感激莫備啓陳伏象尚書念以遠方察其獨立俯
憐素志每煦溫顏聽及階及席之言佇銘骨銘肌之
懇早來又蒙降三清之僊駕頌一畝之第居方慙隨
入室之賢豈料忝執廬之念非所敢望將何自安莫
不思光遠耀於殊鄉早述永超於末路揣庸賤則華

夷有隔較輝榮則古今無倫數年乖豹隱之期常低
俗眼此日覩鳳儀之後豁展愁眉下情無任感戴欣
抃兢惕之至謹祇候起居陳謝謹狀

與金部郎中別紙二首

不審近日尊體寢膳何似既明且哲則詩美賢人視
履考祥則易稱君子既樂持盈之道固安養素之機
况屬逢日載陽光風遍煦煠歌鸞舞深資酌桂之歡
智水仁山靜悅據括之興伏惟永貲景福早副悉徵
擲玄賞於烟霞濟蒼生於塗炭羣情禱陞天下幸甚
謹狀

又

某啓某仰審格言側窺性行人能弘道賢臣以致堯舜為先世實須才俊士以效巢由是恥古者只傳於方策今也共仰於德門伏准郎中大雅含清中庸處厚既以高名肅物能將全德鎮時柱晴空而嶽頂無雲瑩秋色而潭心有月比者蘭拋粉闥竹領朱轡出分天子之憂來慰海人之望况彼郡也戶吞越水窻列吳山得袁宏舉扇之風靈濤縮怒使謝運枉帆之路釣渚含春及其五棒傳歌百錢流譽尋迎睿渥遙陟華賓懷寶令名誰發迷邦之問司珎正位佇成匡

國之謀而乃得之若鷲直而不倨選勝於巖軒澗戶
貪歡於酒賦琴歌久聆萬乘虛懷忍見四方失望今
者梟聲向息鳳紀重興晉傅長才待示指南之制魏
牟積變行申拱土之誠入覲奠塔坐調梅鼎豈止應
月中之夢必期成天下之春然則致堯舜之大猷永
匡宸扆效巢由之小節不介尊襟某遠賈鮫綃慙非
重價仰趨馬帳忝預生徒下情無任攀戀禱祝兢惕
之至云云

與客將書

某腐芥無依斷蓬自役長走而未離塵土獨行而轉

困路歧昨者遠抱危誠專趨朗鑒等聲恐濫琴調空
悲伏蒙將軍念以來自異鄉勤於儒道曲垂提挈得
遂獻投指喻情深師冕不爲瞽者獎知言重卞和免
作罪人荒淺何堪輝榮已極但以某無媒進取有志
退居以詩篇爲養性之資以書卷爲立身之本却緣
雖曾食祿未免憂貧趙囊則到處長空范甌則何時
暫熱况乃家遙四郡路隔十洲窮愁則終夜煎熬遠
信則經年阻絕時情冷澹俗態澆訛買笑金則易求
讀書糧則難致天高莫問日暮何歸始知學者之心
須託至公之力今幸遇相公山色海納雨潤風行有

片言可獎者稱譽出羣有小技可呈者隨材入用是以無一物不歸美化無一夫不荷深恩然則舉中國之人咸承煦育豈可令外方之士獨見棄遺某不揆庸才敢投清德豈料將軍許垂拯拔每賜吹噓他人之得喪榮枯皆推命分小子之昇沉進退只在恩私儻或特假重言終榮賤質唯托針能入線則同錐得處囊某已倚宦途粗諳吏道如能驅策未必踰歲終當富見室家豈憚職榮州縣實以流年易邁壯氣難申唯望庇庥得期變化所冀燕栖雲屋永無巢幕之危鶴出塵籠稍識乘軒之便今欲專脩啓事再獻相

公少申感謝之懷預寫辭違之懇未知可否先取指
麾且某也姜維之膽氣雖麗鄧艾之口辭甚訥縱申
拜謁難具啓陳聊托牋毫代披肝膈未能患己先切
求仁將軍之心若鏡焉無幽不察小子之身猶箭也
唯命是從干浼既頻慙惶益切伏惟終始俯賜念察
謹狀

謝宋絢侍御書

伏蒙殊造俯念移居借賜官車得離旅館簞箠則免
勞自負簞瓢則各識所安如承命駕之恩但勵抹輪
之志今者卜鄰甚靜學植可成唯高表梁之門不掃

陳蕃之室雖乘機立事輸他附勢之榮而守道安貧
羸得愛閑之樂既諧素志但感深恩伏惟終始俯賜
念察謹狀

荅裴拙庶子書

某遠離海島旅宦江臯比者暫願退居稍期隸業來
投樂國冀濟窮塗本望少贍山資便諧谷隱伏蒙太
尉念以雀有多病鶴自遠來特署職名俾趨恩化尋
緣狂花有失腐芥無依轉知山鹿野麋唯宜退縮永
謂鴻傳鵠侶不合攀瞻况乃鬼比斗筭之人身隨刀
筆之吏旅舍既拘於雉堞閣門可設其雀羅自前年

伏承庶子暫阻朝天偶來避地便欲托金牌之幸會
叙王季之獎憐專候起居願搜誠懇蓋慮跡賤而動
多悔吝才微而易見棄捐強自微攀舊恩是為玷泐
清德以此跼蹙形影綿歷歲時雖知提帚有門唯恐
負荆無路豈料庶子恕以未陳爾刺先降劉牋閱溫
言而楚統覆身捧華翰而隋珠耀掌無蒙賢弟起居
未移曩願遠賜榮緘不遺異域之人持辱同年之字
金膏珠粉既垂摩拂之恩驥尾龍髯重有依攀之望
莫不驚駭長價甌甌生光不唯誇樹於親朋實所輝
榮於遠俗謹當占筮撰日齋沐拜塵衷肝而盡癡卑

誠擢髮而少逃厚責其所奉尊旨謹具別狀啓陳
云云

謝高秘書示長歌書

伏蒙特飛榮誨寵示長歌玉海金山難測高深之本
北方南國徒觀美麗之姿費詠無增師資有路但如
青蓮居士唯誇散誕之詞白石山人只騁荒唐之作
但以風月琴樽為勝槩不以君臣禮樂為宏規遂使
千年萬年所流傳皆嗟大雅小雅之論弊今觀四十
三叔行出人表言成世資美才子之筆端寫忠臣之
襟抱在今行古既為儒室之宗憂國如家固是德門

之事天有耳而必當悔禍雲無心而亦可銷兵一言
自此興危邦六義於斯歸正道則所謂陳平宰社爾
曹何知鄧艾盡營其志不小永言他日之驗前程其
畏影雖迷偷光匪懈既知闕寶直若發蒙唯願將鵬
舉翮章傳於異域豈獨以伯魚對答諄向同聲下情
但增感戴欽仰降歎之至續專祇候陳謝

謝李瑄書

某啓某今月十日得祇候見太尉渤海風息蓬萊路
通慙非席上之珍謬作壺中之客伏蒙溫顏見煦陋
質增榮鳳翼龍鱗終容攀附瘦鷹鈍犬特許指呼勉

其檢慎之心諭以獎憐之意此皆副使不遺薄藝累
發重言始當獨卧北窓如蛙跳井豈料榮趨東閣似
鶴乘軒風雲既識於因依冰谷不違於安處感唯迄
誠止無言伏緣既忝從軍難為乞假不獲抵候陳謝

謝元郎中書

某啓伏蒙太尉恩慈特賜轉職不任歡慶某玄免微
儒焦螟瑣質早因慕善偶獲成名爾後客路多愁候
門睿援麻衣始滌於藍色竹簡尋摧其桂香伏自去
年刺謁燕臺職叨鄭驛皆蒙郎中推心獎念假力薦
揚使孤根無委地之虞短期有凌雲之望今者忽忝

非常之遇深慙不稱之譏雖樂從軍敢安尸祿且鷄
披隼翼已覺非宜鷄處鶴羣固當自責時日已具狀
拜讓以此未敢祇候陳謝伏蒙恩私特降榮誨奉讀
欣抃不任下情

謝周繁秀才以小山集見示

昨日早謁玄成晚歸樊止覺戶庭之發光彩聞机案
之散馨香遂因驚訊僕夫果得捧承留示溫辭一幅
粲然受益之規雅什九篇蔚矣惠多之思莫不振紀
綱於六義飾冠冕於七言既崇大雅之基實播中和
之響伏以諸從事鴻儔鵠侶鳳翥鸞翔集挂苑之名

都占蓮池之雅望二十三官即先輩備觀周樂深閱
楚材各陳贊詠之詞能展縱橫之作筆皆實錄機不
虛張始窺八首之前只謂衛多君子終覽九華之後
方知魯出聖人某今所以禱望者翠輦早過東巡日
環免勞西獻二十三官百步穿雲一飛冲天姮娥則
迎入桂宮王母則引歸蓬島然後輟勝遊於御氣展
長策於濟時來登郭隗之臺坐美陳琳之筆則乃今
朝麗藻已掩八仙公之名他日賓筵必盈才子之
數見丘門之請禱待陳榻之解懸某使欲銜璧乞降
摠衣請益但以志勤詞戰雖將桑室反耕道拙世塗

僅類杜門却掃未獲面申感謝謹專修狀啓陳云云
與壽州張常侍書

當今聖天子在上賢丞相在下然而宿德令望而推
者唯我上公暨滑臺中令兩地而已初常侍靜筵前
弊權握使符我上公以理狀聞請為真守帝惟曰俞
後常侍撫安郡俗振肅兵威大元師以雄才薦請貳
前驅帝亦唯曰俞是得美印分榮剖符行化踰月報
政盡活疲甿實謂壽之人永居壽域矣則乃常侍遇
賢丞相之知入聖天子之用乃武乃文多才多藝固
以播在四海某豈敢一二而談詠也今所禱願者碧

幢紅旆高引前途相幕將壇別張勝地謂予不信神之聽之

賀楚州張義府尚書

國家自兵興已來爵賞既多官榮甚峻然而常恐授受之未能宜稱盡善盡美固當有待今則尚書以累世勲望以數年戰功始假使符旋迎真命某將趨清德獲聽好音欣抃之來雀躍而已則非獨喜尚書展龔黃之美政實乃賀聖天子之得良二千石也伏惟云云

與假牧書

伏以近日俗尚書題言矜贊祝苟非全德多是愧辭
某執性近愚處身斯直以目所覩以耳所聆方敢詠
歌固無諂笑某自達仁境如歸故鄉見百姓之安則
知三軍之樂也見鄉閭之泰則知郡邑之肅也若非
常侍寬猛相濟息威并行則何以至村落之居室家
相慶自近及遠嬉嬉然喜遇慈父然則政成一境名
達九重即計冠聳豐貂旗翻建隼榮膺真拜大洽羣
情某每聽謳謠深增禱祝伏惟照察謹狀

桂苑筆耕集卷之十九

...

...

...

...

...

...

...

...

...

...

...

桂花筆耕集卷之二十

啓狀別紙祭文詩共四十首

謝許歸親啓

謝行裝錢狀

謝再送月料錢狀

謝賜弟栖遠錢狀

上太尉別紙五首

祭嶢山神文

陳情上太尉詩

奉和座主尚書絕句三首

吟歸燕詩

酬楊贍秀才送別詩

行次謝太尉衣段詩

留別女道士詩

酬進士楊贍送別絕句

楚州張尚書謝相迎詩

酬吳巒秀才絕句二首

石峰詩

潮浪詩

沙汀詩

野燒詩

杜鵑詩

海鷗詩

山頂危石詩

石上矮松詩

紅葉樹詩

石上流泉詩

和友人除夜見寄詩

東風絕句

海邊春望絕句

春晚閑望絕句

海邊閑步詩

將歸海東嶢山詩

和金貞外贈嶢山絕句

題海門蘭若柳絕句

謝許歸覲啓

某啓早來負外郎君奉傳尊旨伏蒙恩慈念以某久

別庭聞許令歸覲者仰銜金諾虔佩玉音雖尋海島
以榮歸古今無比且望煙波而感泣去佳難安伏緣
某自年十二離家今已二九載矣百生天幸獲托德
門驟忝官榮仍叨命服一身遭遇萬里光輝是以遠
親稍慰於倚門遊子倍榮於得路唯仰趙衰之冬日
深暖旅懷豈吟張翰之秋風遽牽歸思且緣辭鄉歲
久泛海程遙住傷烏鳥之情去懷犬馬之戀唯願暫
謀東返迎待西來仰託仁封永安卑跡今即將期理
但切戀軒下情無任感戴兢灼涕泣之至謹奉啓

陳謝云云

謝行裝錢狀

伏蒙仁恩特賜錢二百貫又今辦行裝者謹依處分
捧領訖伏以某學虧力行事過心期燕鶯銜泥點污
常慙於廣廈鼇頭抃嶽低徊暗避於連鈞每慎行箴
深規躁靜豈謂謙而受益或希屈以求伸今者果逢
尊慈令將遠命榮歸故國免挈空囊比陸生南說之
橐裝倍多輝煥異孔氏東還之輜重豈慮焚燒且彼
虞卿白璧郭隗黃金徒欲耀名終非濟事是若念其
就養慈以食貧減二十日之堂封濟數千里之家信
累載莫申其勞苦一朝頓贍於旨甘寧親而既佩銀

章倍榮衣錦戀德而但垂珠淚願效賣綃下情無任
感恩榮抃涕戀兢惕之至云云

謝再送月料錢

某啓昨日軍資庫送到館驛巡官八月料錢伏緣某
將命遠方已奉公牒暫離候館即指歸程既蒙別賜
行裝豈令 職俸 難領受遂便送還不知庫司

具狀申上上伏奉

者筆飛雲鳳顯示深恩縉躍

天龍仰資厚

遂還家之望實驚潤屋之言遠地

賤微雖有慙於

故鄉親識必致敬於金多通神

則蓋驗魯褒執癖則

伏以尊卑禮隔辭讓

無由謹依處分跪領訖下情無任感恩戀德激切徘徊
兢灼之至云云

謝賜弟栖遠錢狀

某啓某堂弟栖遠比將家信迎接東歸遂假新羅國
入淮海使錄事職名獲詣雄藩將歸故國昨者伏蒙
仁恩特賜錢三十貫者伏以崔栖遠遠涉烟波大遭
風浪僅存微命唯有空身雖志切鵲鴿竊慕在原之
義而譽慙騏驥難期得路之秋銜蘆而但喜聯行泛
梗而免虞失所今者某已榮奉使則遂寧親貨泉沾
潤之名實稱子母歸路光榮之事皆屬善人下情無

任感恩欣躍兢惕之至

上太尉別紙五首

某啓昨以鄉使金仁圭負外已臨去路尚闕歸舟懇
求同行仰候尊旨伏蒙恩造俯允卑誠今則共別淮
城齊登海艦雖慙李郭之譽免涉胡越之言遠路無
虞不假琴高之術巨川能濟唯懷傳說之息下情無
任感戀之至云云

又

某啓伏奉手筆批誨一行人並善將息穩風濤者俯
頰微流仰窺尊念望淮海則陟遐自邇指風波則視

險如夷遍洒溫言盡叨息於挾纜 敷至懇願無愧
於賣綃下情無任感激攀戀兢灼之至云云

又

伏奉尊誨樂侔子懸於舡頭不畏風浪慎勿開之者
仰掛青囊遠踰碧海必使天具息浪水伯迎風既無
他慮於葭津可訪仙遊於蓬島唯願徃來無滯忠孝
克全萬里安流永濟川之力百年苦節不欺臨谷
之心下情無任感戴兢灼之至

又

某舟舡行李自到乳山旬日候風已及冬節海師進

難懇請駐留某方忝榮身唯憂辱命乘風破浪既輸
宗慈之言長楫短篙實涉惠施之說雖仰資息煦不
憚險艱然正值驚波難踰巨壑今則已依曲浦暫下
飛廬結茅茨以庇身糝黍藿而充腹候過殘臘決撰
行期若及春日載陽必無終風且暴便當直帆得遂
榮歸謹具別狀咨申伏惟云云

又

某啓自叨指使唯欲奮飛必期不讓秋鷹便能截海
豈料翻成跂鼈尚類曳泥雖慎三思而行且乖一舉
之僞既勞淹久合具啓陳某嘗讀國語見海鳥爰居

止於魯東門之外展禽曰今茲海有災乎夫廣川之
鳥獸常知而避其災是歲也海多大風冬曠伏見今
年自十月之交至于周正月略無膚發覺溫燠必恐
魯修濫祠亟改成詩靜思漢祖之興歌大風可懼遙
想田橫之竄跡絕島難依遂於登舟近浦止泊龍鵠
無失藩羊自安唯願時然後行必當利有攸往泛艤
艘而不滯指渤澥而非遙冀申專對之能早遂再來
之望伏惟

祭嶠山神文

維年月日新羅國入淮南使檢校倉部員外郎守翰

林郎賜緋銀魚袋金仁圭淮南入新羅兼送國信等
使前都統巡官承務郎殿中侍御史內供奉賜緋魚
袋崔致遠等謹以清酌牲牢之奠敬懸于峻山大
王之靈竈以昔辨方圓始分清濁融作江海結為山
岳石戴土而土戴石小者礪而大者磨然而宰有威
神靜無稜角與堆阜而相接見丘陵之可學惟靈磊
磊落落高臨鯁壑巉巉岵岵俯壓鯨潭上則為雲霧
縈纏之骨下則為波濤激射之窟朝則迎金烏而前
出夜則送銀蟾而後沒是以峻德能彰乎東夏西夷
玄功不假乎南儻北忽則彼織女之機倚河漢秦帝

之橋架溟渤徒銜其名莫勞我形每謂蘊藏其片玉
豈唯厠列於雙瓊遂使往來者虔虔英靈祈禱者盡
寫精誠既籟繫之可薦信黍稷之非馨今者仁圭等
久銜遠命致遠也始奉殷聘喜歸舟之既同佇遊轡
之能并不患胡越之意殊寧慙李郭之名盛去歲初
冬及東牟東屬以滄流尚遠玄律將窮浪形匄匄而
鷗難浮艦風響馬騶颯而鵠恐辭籠遂艤剡水聊安斷
蓬一昨雖迎端月猶懼俊風延頸而待逢候燕回眸
而送盡歸鴻方期利涉龜從筮叶直指雞林輕浮芥
葉豈輸馳馬之號願較秋鷹之捷遠詣靈峰難尋壽

宮但覩其青蓮倒籬於巨浸碧螺高柱於晴空仰威
靈之聳塵外想影響之飄雲中於是潔饋饌擇肥醲
酒醴斯醑牲牲粗豐謹賁薄禮敢覲陰功伏惟大王
潛施呼噏密降指蹤使波神拱手川后歛容楚師之
南風且競鄭伯之東道豁通照水鏡之心既分妍醜
擘土囊之口無雜雌雄則可朝穿汗漫暮截鴻濛去
採石華必同謝運行吟肉脯免效張融加以某臨川
自審登木增懍憶昔雪作夜光冰爲夕飲幾年獨勵
於鼓篋今日方期於扇枕將問荊州之綃忝披會稽
之錦見寵若驚心如捧盈雖智有不逮而時然後行

况費御筆慮滯王程今則裹裝既飾儼有行色翫淑
景以歌吟况安流於瞬息唯托大王之風早歸君子
之國俾傳帝命無曠神職尚饗

陳情上太尉

海內誰憐海外人問津何處是通津本求食祿非求
利只為榮親不為身客路離愁江上雨故園歸夢日
邊春濟川幸遇恩波廣願濯凡纓十載塵

奉和座主尚書避難過維陽寵示絕句三首

年年荆棘侵儒苑處處烟塵滿戰場豈料今朝覲宣
父豁開凡眼睹文章

亂時無事不悲傷
鸞鳳驚飛出帝鄉
應念浴沂諸弟
子每逢春色耿離腸

濟川終望拯湮沉
喜捧清詞浣俗襟
唯恨吟歸滄海
去泣珠何計報恩深

歸燕吟獻太尉

秋去春來能守信
暖風涼雨飽相諳
再依大廈雖知
許久汚雕梁却自慙
深避鷹鷂投海島
羨他鶯鷯戲
江潭只將名品齊
黃雀獨讓銜環意未甘

酬楊瞻秀才送別

海槎雖定隔年迴
衣錦還鄉愧不才
暫別蕪城當業

落遠尋蓬島，趁花開，谷鶯遙想高飛去。

時楊生有遺
隨計之計

豕寧慙再獻，果好把壯心謀。後會廣陵風月，待銜杯。

行次山陽，續家太尉寄賜衣段，令充歸覲，續壽。

信物謹以詩謝。

自古雖諱畫錦，行長卿翁子占虛名。既傳國信，兼家
信不獨家榮。國亦榮，萬里始成歸。去計一心先美，却
來程望中。遙想深恩處，三朶仙山，目畔橫。

留別女道士

每恨塵中厄，宦塗數年深。喜識麻姑臨行，與爲真心。
說海水何時得盡枯。

酬進士楊贍送別

海山遙望曉烟濃
百幅帆張萬里風
悲莫悲兮兒女
事不須怙悵別離中

楚州張尚書水郭相迎因以詩謝

楚天簫瑟碧雲秋
換隼高飛訪乘舟
萬里乘槎從此
去預愁魂斷謝公樓

酬吳巒秀才惜別二絕句

榮祿危時未及親
莫嗟歧路蹙勞身
今朝遠別無他
語一片心須不愧人

殘日塞鴻高的的
暮烟汀樹遠依依
此時回首情何

限天際孤帆宰浪飛

石峰

中和甲辰年冬十月奉使東泛泊舟於大珠山下凡所八目命為篇名嘯月吟風貯

成十首寄高負外

峴岫絕頂欲摩天海日初開一朵蓮勢削不容凡樹
木格高唯惹好雲烟點蘇寒影粧新雪憂玉清音噴
細泉靜想蓬萊只如此應當月夜會羣仙

潮浪

驟雪翻霜千萬重往來弦望躡前蹤見君終日能懷
信慙我趨時盡放慵石壁戰聲飛霹靂雲峰倒影撼
芙蓉因思慙長風語壯氣橫生憶卧龍

沙汀

遠看還似雪花飛弱質由來不自持聚散只憑潮浪
簸高低况被海風吹煙籠靜練人行絕日射疑霜鶴
步逢別恨滿懷吟到夜那堪又值月圓時

野燒

望中旌旆忽繽紛疑是橫行出塞軍猛焰燎空欺落
日狂煙遮野截歸雲莫嫌牛馬皆妨牧須喜狐狸盡
喪羣只恐風驅上山去虛教玉石一時焚

杜鵑

石罅根危葉易乾風霜偏覺見摧殘已饒野菊諱秋

艷應羨巖松保歲寒可惜含芳臨碧海誰能移植到
朱欄與凡草木還殊品只恐樵夫一例看

海鷗

慢隨花浪飄飄然輕擺毛衣真水仙出沒自由塵外
境往來 洞中天稻梁滋味好不識風月性靈深
可憐想得淩園蝴蝶夢只應如我對君眠

山頂危石

萬古天成勝琢磨高高頂上立青螺永無飛溜侵凌
得唯有閑雲撥觸多峻影每先迎海日危形長恐墜
潮波綠饒蘊玉誰回顧舉世謀身笑卞和

石上矮松

不材終得老煙霞
澗底何如在海涯
日引暮陰齊島樹
風敲夜子落潮沙
自能盤石根長固
豈恨凌雲路尚賒
莫訝低顏無所愧
揀揀堪入晏嬰家

紅葉樹

白雲巖畔立仙姝
一簇烟蘿倚畫圖
羃色也知於世有
閑情長得似君無
宿粧含露疑垂泣
醉態迎風欲待扶
吟對寒林却惆悵
山中猶自辨榮枯

石上流泉

琴曲雖誇妙手彈
遠輸雲底響珊珊
靜無纖垢侵金

鏡時有輕颺觸玉盤
嗚咽張良言未用潺湲
孫楚枕應寒
尋思堪惜清冷色
流入滄溟便一般

和友人除夜見寄

與君相見且歌吟
莫恨流年挫壯心
幸得東風已迎路
好花時節到雞林

東風

知爾新從海外來
曉窻吟坐思難裁
堪憐時復撼書幌
似報故園花欲開

海邊春望

鷗鷗分飛高復低
遠汀幽草欲萋萋
此時千里萬里

意目極暮雲翻自迷

春曉閣望

山面嬾雲風惱散岸頭頑雪日欺銷獨吟光景情何
限猶賴沙鷗伴寂寥

海邊閑步

潮波靜退步登沙落日山頭簇暮霞春色不應長惱
我者者即醉故園花

將歸海東峴山春望

目極煙波浩渺間曉鳥飛處認鄉關旅愁從此休凋
鬢行色偏能助破顏浪蘆沙頭花撲岸雲粧石頂葉

籠山寄言來往鷓鴣子誰把千金解買閑

和金貞外贈峴山清上人

海畔雲菴倚碧螺遠離塵土稱僧家勸君休問芭蕉
喻看取春風撼浪花

題海門蘭若柳

廣陵城畔別蛾眉豈料相逢在海涯只恐觀音菩薩
惜臨行不敢折纖枝

桂花筆耕集卷之二十